



Bosna i Hercegovina
Federacija Bosne i Hercegovine
Tuzlanski kanton
GRAD GRADAČAC

H.K.Gradašćevića 54, 76 250 Gradačac, telefon 035-369-750, fax. 035-369-751, e.mail: opc.grad@bih.net.ba, www.gradacac.ba

PRIJEDLOG

Na osnovu člana 29.a u vezi sa članom 106.Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine FBiH", broj: 39/03, 22/06 i 43/10), čl. 25. stav 3. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine TK", broj: 10/08 i 8/15) i člana 6.tačka 2. Statutarne odluke o organizaciji Grada Gradačac u skladu sa Zakonom o Gradu Gradačac ("Službeni glasnik Grada Gradačac", broj 01/19), Gradsko vijeće Grada Gradačac, na sjednici održanoj _____.06.2020.godine donosi

ODLUKU O OSNIVANJU GRADSKOG ŠTABA CIVILNE ZAŠTITE

I-OSNOVNA ODREDBA

Član 1.

Ovom odlukom osniva se Gradski štab civilne zaštite (u daljem tekstu:Gradski štab) kao stručno-operativno tijelo Grada Gradačac (u daljem tekstu: Grad) za zaštitu i spašavanje ljudi i materijalnih dobara od prirodnih i drugih nesreća,uređuje njegov djelokrug, unutrašnja organizacija, popuna, finansiranje,opremanje i druga pitanja od značaja za organizaciju i rad Gradskog štaba.

II-NADLEŽNOST GRADSKOG ŠTABA I NAČIN OSTVARIVANJA FUNKCIJE

Član 2.

Gradski štab je stručno-operativni organ koji je ovlašten za vršenje poslova koji su mu Zakonom o zaštiti i spašavanju ljudi i materijalnih dobara od prirodnih i drugih nesreća (u daljem tekstu:Zakon), dati u nadležnost.

U vršenju poslova iz svoje nadležnosti Gradski štab funkcionira u miru onda kada nadležni organ proglasi da je nastalo stanje prirodne ili druge nesreće na određenom području,odnosno kada treba preventivno djelovati prije nastanka prirodne i druge nesreće kao i za vrijeme obuka i vježbi civilne zaštite i razmatranja određenih dokumenata i informacija vezanih za sistem zaštite i spašavanja, a u ratu funkcionira stalno.

Gradski štab odlučuje o pružanju pomoći drugoj općini/gradu, u skladu sa članom 184. Stav 1 tačka 7. Zakona a u vezi sa važećom Odlukom o uslovima i načinu korištenja sredstava ostvarenih po osnovu posebne aknade za zaštitu od prirodnih i drugih nesreća.

III-ORGANIZACIJA I SASTAV GRADSKOG ŠTABA

Član 3.

Gradski štab čine komadant, načelnik i članovi štaba.

Član 4.

Komadant Gradskog štaba je po položaju Gradonačelnik ili njegov zamjenik.

Član 5.

Šef službe civilne zaštite Grada Gradačac (u daljem tekstu: Služba CZ), po položaju je načelnik Gradskog štaba.

Član 6.

Članovi Gradskog štaba su :

1. Pomoćnici Gradonačelnika,
2. Šef Odsjeka za civilnu zaštitu u Službi civilne zaštite,
3. Šef Odsjeka za zaštitu od požara i vatrogastva - Komandir PVJ u Službi civilne zaštite;
4. Direktor JZU Dom zdravlja Gradačac;
5. Direktor "TERAVET" doo Gradačac;
6. Direktor JP Komunalac dd Gradačac;
7. Načelnik PU Gradačac;
8. Sekretar Crvenog krsta-križa Gradačac

Član 7.

Komadanta, načelnika i članove Gradskog štaba iz člana 6.ove odluke postavlja i razrješava Gradonačelnik na prijedlog Službe civilne zaštite.

Gradski štab vrši poslove iz svoje nadležnosti samostalno i za svoj rad je odgovoran Gradonačelniku.

U vršenju poslova i zadataka iz svoje nadležnosti Gradski štab donosi odluke, naredbe i zaključke.

Član 8.

U izvršenju svojih složenijih zadataka zaštite i spašavanja Gradski štab može angažovati i druge državne službenike iz gradskih službi i eksperte na profesionalnom radu u naučnim ustanovama i drugim pravnim licima.

O angažovanju lica iz stava 1.ovog člana,odlučuje komadant Gradskog štaba,na prijedlog načelnika Štaba ili nekog od članova Gradskog štaba.

Član 9.

U pravilu Gradski štab radi i donosi svoje odluke na sjednicama.

Sjednice Gradskog štaba saziva i njima rukovodi Komadant Gradskog štaba.

U slučaju da je Komadant spriječen da vrši svoju funkciju, sjednice Gradskog štaba saziva i njima predsjedava načelnik Gradskog štaba.

Gradski štab donosi svoj Poslovnik o radu kojim se uređuju pitanja iz operativnog rukovođenja i druga pitanja od značaja za rad Štaba.

Član 10.

Gradski štab ima svoj pečat koji se izdaje u skladu sa Odlukom o pečatu Grada Gradačac ("Službeni glasnik Grada Gradačac", broj 1/19).

Član 11.

Gradski štab ima svoj interni djelovodnik u kome se zavode svi dokumenti i akti koji se odnose na Gradski štab.

Organizacioni broj protokola Gradski štab će koristiti od Službe za civilnu zaštitu uz dodatak velikog slova Š (09/Š).

Pečat i interni djelovodnik Gradskog štaba duži i čuva Šef službe civilne zaštite.

Član 12.

Sjedište Gradskog štaba je u ul.H.K.Gradaševića br.80.u Gradačcu u prostoru koji koristi Služba civilne zaštite, a sjednice se održavaju u mjestu određenom u Poslovniku o radu Gradskog štaba.

IV- STRUČNA SLUŽBA GRADSKOG ŠTABA

Član 13.

Funkciju Stručne službe Gradskog štaba vrši Služba civilne zaštite.

U vršenju poslova u funkciji stručne službe, Služba civilne zaštite obavlja stručne, administrativne,tehničke i druge poslove neophodne za rad Gradskog štaba što se bliže određuje Pravilnikom o unutrašnjoj organizaciji jedinstvenog gradskog organa uprave.

V- OPREMANJE I FINANSIRANJE GRADSKOG ŠTABA

Član.14.

Gradski štab se oprema odgovarajućom opremom i materijalno-tehničkim sredstvima koja su neophodna za ličnu zaštitu članova štaba za izvršavanje zadataka iz njegove nadležnosti, a u skladu sa materijalnom formacijom.

Član 15.

Sredstva za finansiranje Gradskog štaba obezbeđuju se u Budžetu Grada, kao i iz sredstava člana 180.Zakona i donacija.

Sredstva potrebna za rad Gradskog štaba kao i finansijski plan utvrđuje Gradski štab.

VI-PRELAZNE I ZAVRŠNE ODREDBE

Član 16.

Imenovanje Komadanta,Načelnika i članova Gradskog štaba izvršit će se u roku od 15 dana od dana stupanja na snagu ove Odluke.

Član 17.

Ovlašćuje se Gradonačelnik da svojim posebnim aktima reguliše pitanja iz ove oblasti koja ovom Odlukom nisu obuhvaćena.

Član 18.

Danom stupanja na snagu ove Odluke, prestaje da važi Odluka o osnivanju Općinskog štaba civilne zaštite Gradačac, br: 01-05-253/05 od 06.10.2005.godine (objavljena u “Službenom glasniku Općine Gradačac”, broj 5/05, 8/07 i 8/13).

Član 19.

Ova Odluka stupa na snagu osmog dana od dana objavljivanja u “Službenom glasniku Grada Gradačac”.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
-Gradsko vijeće-

Broj:01-_____/20
Datum:____.06.2020. godine

PREDSJEDAVAJUĆI
GRADSKOG VIJEĆA

Husein Kujraković

OBRAZLOŽENJE

I – PRAVNI OSNOV

Pravni osnov za donošenje Odluke o osnivanju Gradskog štaba civilne zaštite su članovi 29. i 106. Zakona o zaštiti i spašavanju ljudi i materijalnih dobara od prirodnih i drugih nesreća (“Službene novine FBiH”, broj: 39/03, 22/06 i 43/10), čl. 25. stav 3. Zakona o zaštiti i spašavanju ljudi i materijalnih dobara od prirodnih i drugih nesreća (“Službene novine TK”, broj: 10/08 i 8/15) i član 6.tačka 2. Statutarne odluke o organizaciji Grada Gradačac u skladu sa Zakonom o Gradu Gradačac (“Službeni glasnik Grada Gradačac”, broj 01/19).

II- RAZLOZI ZA DONOŠENJE ODLUKE

Štabovi civilne zaštite su stručno-operativni organi ovlašteni za rukovođenje akcijama zaštite i spašavanja na teritoriji Federacije, kantona i općina/gradova, koji odlučuju o upotrebi snaga i sredstava civilne zaštite, privrednih subjekata i građana na zaštiti i spašavanju ugroženih i nastradalih ljudi i materijalnih dobara i te snage raspoređuju na ona područja koja su ugrožena, naredjuju provođenje odgovarajućih mjera zaštite i spašavanja i određuju snage i sredstva koje će sprovoditi te mjere. Usmjeravaju, koordiniraju i upravljaju akcijama zaštite i spašavanja svih učesnika angažovanih na zaštiti i spašavanju na svome području, rješavaju sva pitanja koja se u toku provođenja aktivnosti na zaštiti i spašavanju pojave u vezi angažovanih snaga i sredstava civilne zaštite i provođenja mjera zaštite i spašavanja i samozaštite građana, te za obavljanje drugih poslova u zaštiti i spašavanju, u skladu sa Zakonom i drugim propisima.

Predlažemo da Gradsko vijeće usvoji Odluku o osnivanju Gradskog štaba civilne zaštite.

Predlagač

GRADONAČELNIK